

**FRANC. ERN.
BRUCKMANNI, MED.
DOCT. ACAD. CÆSAR.
NAT. CUR. ET SOC.
REG. PRUSS...**

Franz Ernst Bruckmann

FR. ERNESTI BRVCKMANNI,
PHILOS. ET MED. DOCT. ACAD. CÆSAR. NAT. CVR.
ET SOC. REG. SCIENT. PRVSS. COLLEG. ET
POLIATRI WOLFFENB.

EPISTOLA ITINERARIA LV.

SISTENS

RELIQVA
VRBIVM ET LO-
CORVM
SIGNA MNEMONICA,

AD
VIRVM, EXCELLENTISSIMVM, CONSVL-
TISSIMVM ATQVE PERLITTERATVM,
DOMINVM,

DOMINVM
CHRISTIANVM
NETTELBLADT,

JVR. VT. DOCT. ET PROF. ORDINAR. ACADEM.
GRIEFFSWALD. CELEBER. &c.
FAVTOREM PLVRIMVM COLENDVM.

WOLFFENB. MDCCXXXVII.

VIR EXCELLENTISSIME ATQVE
CONSULTISSIME,

AMICE ET FAVTOR

NVNQVAM NON PLVRIMVM DE-
VENERANDE!

Promissis stare & fidem datam servare, omni tem-
pore utile, necessarium juxta ac nemini non ju-
cundum. Sub finem antecedentis ultimæ episto-
læ reliqua signa mnemonica, hinc & inde veri-
tates quasdam historicas proponentia, *Tibi, Vir Præno-
bilissime atque Doctissime*, offerre pronuper pollicitus sum,
quare et, sine ullis verborum ambagibus, primo loco
in medium producam istud, quod in oppidulo parvo
Misniæ, ad Muldæ flumen sito, *Nossen* vocato, iustran-
dum. Hic loci, in summo ad portam templi, costa
gigantis, uti perhibetur, suspensa cernitur, quam ve-
ro ad Ossa Ceti vel Elephantis, salvis aliorum judiciis,
referimus. Variis in locis, v. g. Brunopoli in angulo ad
domum quandam, non procul a porta Petrina, perma-
gnam dorsi vertebam; it. in vico Walbeccensi, Princi-
patus Halberstadiensis, ad templum Canonicorum co-
stam

stam procere grandem ex fune ferreo suspensam, observavimus. Multis retro annis, tempore papatus caliginoso, singula hæc ossa ingentia ex isto permagno pisca, qui Jonam, Prophetam fugientem & a nautis ex navi in mare dejectum, deglutiverit & in vasto abdominis ventriculo, spatio dierum trium, per Oceanum circumportaverit, desumta, sed absque ullo veritatis fundamento, perhibebantur, hancque quoque ob causam, religionis ergo, in templis, ad sacella & portas hinc & inde suspendebantur.

Osnabruga, Westphaliæ figura quædam sotadica, quæ ad angulum quendam templi Evangelico-Lutheranorum, St. Mariæ dicati, cælato & elato opere exculpta, videnda, a quibusdam urbi pro signo vindicatur. Exhibet, sed pluvia jam admodum detrita, guttis tempestatibusque, quibus exposita, excavata, nec non feris ab annis valde obscura reddita, diabolum, alvi scybala in ollam deponentem, & vetulam, cui facies passâ rugosior uva, contenta in olla agitatione permiscens. Hoc signum elate in lapidem cæsum, in quadrangulo plus minus duos pedes altum. Me iudice, est lascivum & subabsurdum ornamentum, & inventum parietarii vel statuarii cujusdam, qui hocce templum cum aliis artis fabrix magistris extruxit, & hoc in dicto ædium angulo locavit. Quod vero ad ædificium sartum & tectum per se attinet, ob antiquitatem, imagines & figuras perpulchras, arte studioque singulari cælatas, juxta ac lapidum structuram firmissimam, etiam atque etiam mirandum. Optimum urbis signum mnemonicum sit turris templi Evangelicorum, Divæ Catharinæ dedicati, præalta, quæ in omnium & singulorum oculos undique adventantium statim incurrit. Inter omnes altas, quas pluribus in locis, variisque in regionibus, hinc & inde vidi turres, non facile, me cogitante, altiore & ampliore observavi. Hanc ob turris molem & tempestates turbidæ & procellosæ in hanc urbem haud raro

sua fulmina coelo demittunt. Historicus quidam certus & illustris sequenti versiculo de hac turri dixit:

**Der Thürme Ursprung ist nichts als *Ambition*,
Daher des Wetters Strahl so oft ihr rechter
Lohn.**

Hujus versus conformia testimonia Biblia sacra Genes. II. & Plinius Lib. VII. c. 56. nec non celeberrimus Stryckius de jure Sabbat. c. 4. §. III. num. 94. in lucem veritatis proferunt. Porro præcipuum urbis monumentum est turris, dicta der Boock's Thurm, quæ vero minime, ut M. Zacharias Goetze in programme, de antiquissima urbis Osnabrug. turri dem Boock putavit, delubrum cariosorum deorum fuit, nec a Jove Hammone nomen habet, sed mihi opinio ista, quam historicus quidam vetustus certa mensura prisca admodum pulchre expressit, potius arridet:

Der halbe Mondenthurn, so mit dem Boock ge-
zeichnet,
Und der von dessen Bild auch seinen Nahmen
führt,
Ist ohngezweiffel alt, doch wer ihn recht be-
schauet,
Wird augenscheinlich sehen, daß er sey außers-
bauet,
Zum Schutze seiner Stadt, und nicht dem Boock
zu ehren,
Im rohen Heydenthum, und wäre auch, wie
wir hören,
Daß bey dem Bau ein Boock, von oben auf die
Gassen,
Durch einen Meister Sprung ohn Schaden sich
gelassen,
Und daß darumb sein Bild an solchen Ort ge-
bracht,

So wäre doch der Thurm zum Schutze der
 Stadt gemacht,
 Sonst wie massive Werck die rüde Bau-Kunst
 deuten,
 An diesem Hockes-Thurm, so zeige der Brauch
 auf Zeiten,
 Da, weil die Grafen hin gefangen sein ge-
 setzt,
 Auch das *Decorum* muß nicht anders seyn ge-
 schätzt.

In hac turri, ejusque superiori parte stat arca fortis & robusta, quod ad formam externam triangularis, ex ligno querno crasso & ferro duro fabricata, in qua captivi, qui ob crimina perpetrata ultimum vitae terminum expectant, in vincula conjiciuntur & in custodia tenentur. Simon, Comes Lippiensis, hujus carceris inquilinus, & olim Anno 1275. fuit, nam, cum iste Dominus Osnabrugensium pecora in oris regionum vi & clanculum abduxisset, ab his captivus comprehensus & in dicta turri, ad carceres quatuor annorum, damnatus fuit, usque dum Imperator juxta ac alii imperii Proceres pro Comite intercesserint, ex quo factum, ut dimissus abierit. Confer. Reusneri Genealogia Imperator. Regum, Principum &c. & quidem Auctar. pag. 65. Reliqua urbis & viciniae monumenta, quorum plurima ex antiquitate relicta prostant, nempe: Die Düvelsburg, die Schlagsfelder bey Wahrenhorst, die Todes-Heyde, die Begräbnis-Steine, Opfer-Steine in monte Gadberg, baptisterium Widekindi in pago Belem &c. compressis labris & silentio in praesentia praetereo.

Plavia, Plaven, in Regione Variscorum, in mola quadam ad portam Strasbergensem, multis retro annis in fossa, aquam ad molae rotas ducente, statua lignea natans a servis molaris intercepta & in mola posita fuit. Fabula de hac est sequens: Hoc simulacrum non posse,

X 3

nec

nec debere ulterius de loco in locum promoveri, alias enim omnes in mola machinae & rotae destruerentur nec non ruinam paterentur. In veritatem traditionis diversa adducere incolae volunt exempla, quod, quando quis istud de loco movere & in aliam stationem auferre conatus, derepente varia damna & iacturas accepisset, sic ut nunquam non coactus fuerit, idolum in locum pristinum, ex quo desumptum, reportare. Tantum de hoc, quantum quis volet, per me licet, credat.

Schwartzstein, pagus Prussicus, viatoribus par solearum equinarum ferrearum insolite magnitudinis, quas cacodamon pedum plantis fraudulenter cauponae clavis affigere iussisset, in hunc usque diem in templo exhibet. Conf. Erasmi Francisci *Iustiger Schaubühne allerhand Curiositäten* P. I. pag. 801. &c. Historia ita sonat: In pago quodam, ad Dioecesin Schwartzstein pertinente, hospita dolosa, quae advenis, mansionem quaerentibus, mendaciis & fraudationibus pecuniam ex marsupiiis subducebat, &, juxta diaboli arithmetica, ejusque creta perseveranter X. pro V. scribebat, pandocheum habuit. His suis testis ac sedibus ignotum aliquando adventorem, qui parata pecunia apud hanc vetulam dolosam divertebatur, recepit. Hunc non aliter, ac reliquos, tractavit. Advena prodigus, cum non vulgares fecisset sumtus, ratione a caupona ducta, non sufficiens sibi esse viaticum, ad solvendum, residuum, simulavit; ratio enim praeterea duplo major calculata erat. Hospes hinc gravamen duxit, prius vero errorem calculi accusavit, forsitan mala creta in culpa foret, quae semper, pro linea simplici, duplicem annotasset? siquidem impossibile, se tantam potando fecisse rationem. Monstrat porro vetulae calculum in pileo, in quo nunquam non singulas mensuras annotasset, testesque protulcebat adstantes, qui sine dubio istum scribentem in pileo observassent? Mulier avaritia turpissima summe prostituta nec non rubore in

ingenis perfusa, ac si facinorosam multiplicationem intelligant & amaret, hinc in omnium præsentia nimis deformata, in se ipsam vehementes eructabat maledictiones, imo, si injuste & falsè mensuras annotasset, satanas perniger se vivam in persona subduceret & in se equitaret! Quid sit? advena adhuc secunda vice adstantem, qui semper istum in pileo scribentem & mensuras a vetula apportatas notantem observaverat, testem produxit, simulque sceleratam & improbam, capillorum cirris deprehensam, isto loco per fenestram, non sine singulorum formidabili terrore, exportavit.

Nocte media quidam equo vêtus per pagum **Schwarg** : **Stein** transit, fabricæ fores pulsat & a fabro requirit, ut equo suo citius novas soleas ferreas clavis affigeret, se enim potenti cuidam domino in serviitiis esse, & in præsentia, sine ulla mora, cursorem in equo volantem agere debere. Brutes iste indignabundus expectationem, cum nox sit nigra, versus diei lucem ab eo postulat; commendat equiti somnum, cum & ipse esset defatigatus, sopore oppressus, qui refectione nocturna maximopere opus haberet. Sed surdo narratur fabula. Omnis hæc disputatio inanis fuit. Viator fores vi denuo concutit fortiori, excitat clamorem & stridorem, stertens maledicit, spiratque minas, donec faber cum suo Pyracmone somniatore de lecto surgit & soleam ferream, equi pedi aptam, quarit. Sed nulla invenienda; hinc novam, pedi caballi prius accurate considerato, in igne & incude parat, & quidem satis magnam. Hanc fabricatam pedi clavis affigere tentat, animadvertit vero statim, istam pro ungula caballi adhuc multo perpusillam. Invitus hinc & quasi iratus adhuc priori majus ferrum equinum format. Sed & hoc nondum quadrat, est iterum nimis minutulum. Sic tertio ad mensuram, ab equo sumtam, non sine peculiari stupore, calceum ferreum prodigiosè vastum cudit,

cludit, apportat & clavis pedi equino affigere tentat. Ictu vix primo in clavum & equi ungulam adacto, caballus ejulans verba profert sequentia miserabilia: Væ! Væ! o compater! desine! Hæc lamentatio miserandum in *modum* semel atque iterum continuatur. Broutes hinc perterribus, signo crucis se munit, in domum advolat, portamque post se firmissime claudit, persentiscens, qualem equitem esse, diabolicum nempe spectrum. Die insequenti vetula lacrymis dolorem indicans, gemitusque edens sonoros, palustri uligine sepulda inventa fuit, & domum semimortua quasi translata. Ex gravi vero hac valetudine post explicata & resecta, reliquum vitæ spatium, in dolore commissorum delictorum, poenitens peregit. Quod ad hujus historiæ veritatem attinet, documentum vetus manuscriptum in fidem & memoriam in conclavi quodam judiciali Prætorii Electoralis istius viciniae asservatur.

Tabinge occurrit 1) fons *der Gõrgenbrun* dictus, ad Basilicam seu templum St. Georgii, in quo St. Georgius, eques strenuus, ex saxo fabricatus in pisce, vulgo *Lindwurm* nominato, cujus cauda laudatum fortissimum heroem circumlaqueat, sedet. Hæc statua a pluribus signum mnemonicum esse perhibetur. 2) Aliud signum, *Wort oder Wahrzeichen*, est os istud prægrande, impudens, in saxum portæ Nicrinæ, *des Neccar Thors*, incisum, quod proverbio vulgari: *Du machst ein Maul, wies Neccar Thor!* ibidem loci occasionem dedit. Unde vero ortum, & quid significet s. dicere non possumus. Inter curiosa urbis tertio refertur curia, in cujus horologio & ejus gnomone lunæ cursus, phases, figuræ & adparitiones, miraturæ dignæ, intuendæ. In hac machina automataria ingeniosa & artificiosa, ad singulas lunæ mutationes, crescentia & decrescientia lunæ in indice horologii observantur,

vantur, nec non signa cœlestia juxta ac planetæ primarii pro tempore apparent, ascendunt, descendunt, retrocedunt & evanescunt. Insuper extra curiam, præter horologium deprædicatum, Justitia picta cernitur. 4) Viri statua lapidea ad templum St. Georgii, cui rota crura contusa, & qui crucifragio affixus. Fama dicit, & sequens traditio, sive fabula forsan, de eo circumfertur. Istum virum cum quodam fortunato & ditissimo domino iter fecisse, & solum rediisse, hinc in latrocinii suspicionem lapsum, imo effective in custodiam datum, juxta ac torturæ criminaliter submissum, cruciatum vero in euleo perferre non potuisse, sed confessionem facinoris capitalis, quod nunquam tamen peregisset, tormentis patefecisse, qua facta, crura ei esse suffracta, & sic morti traditum; innocentiam vero ejusdem paulo post in lucem patefactam, dum, brevi tempore ab executione, ditissimus iste dominus, occisus creditus, & quem de medio sustulisset, sanus & incolumis Tubingam redierit, quare in memoriam viri innocenter miserandum in modum trucidati hanc statuum erectam fuisse.

In alto isto castello montano *Wartburg*, in quo Sec. XVI. Lutheri Pathmus fuit, ad Isenacum, quodque Ludovicus saltator cognominatus Anno 1140, ædificare incepit, adsunt signa super porta fortissimæ cujusdam turris quadratæ, castellum versus, nempe 1) Draco Lindwurm dictus, virum ex oris faucibus eructans, ad quem assistunt aquila & umbo. 2) Vir in leone equitans, &, uti Simson, rictum iste devoratorium diducens, quæ nonnulli ad miracula St. Elisabethæ & Ludovici referunt. Singula in lapidem incisâ durum observantur,

Verda, Principatus Verdenſis urbis primariae, ſignum mnemonicum dicitur eſſe caput monachi, quod ex muro templi cathedralis proſtat. Hiſtoria de hoc ſequens recitatur: Monachum, alii docent herophylacem ſ. templi dicti cathedralis cuſtodem, (quod majorem probabilitatis lucem habet, cum caput non ſit attonſum, ſed vulgare, capillo ornatum) calycem ſacrum furto clanculum ſubduxiſſe, factum vero poſt pertinaciter abnegaviſſe, diraque imprecatione ſe ita devoviſſe, ut, ſi verum, in lapidem durum commutaretur & in muro, loco iſto, quo craſſiſſimus foret, poneretur. Quod tunc, ſecundum devotamentum ſuum, protinus factum. Pronunc corpus introrſum ſub teſto, nam peryſterium appoſitum fuit, ſtat, caput vero a muro prominet & oculis terram deſpicit. Qui nugis delectantur, fabulam dicunt, caput lapidibus & calce a fabro murario non poſſe tegi nec claudi, ſed camentitias ſtructuræ æternum quoquoeverſus paulatim cadivas delabi. Quod minime negandum, nam pluvia ex teſto decidua nunquam non calcem & cæmentorum ferrumen deſtruit, abſtergit & abluit. An hiſtoria dicta a viris fide dignis ſit annotata? me later, interim ibidem a vulgo propagatur. In quadam dicti templi fenestra inſignia famoliſſimi rapacis latronis *Scörtebeckers*, quæ duos in ſe continent calyces, quos duæ manus ſubvertunt, (quod ſignum cum nomine convenit;) obſervantur.

Ad ſigna mnemonica *Viemienſia* & pertinet ſuccidia lignea ſub porta ſ. turri rubra ſublimis ſuſpenta, cum adſcriptione verſuali:

Beſind ſich irgend hier ein Mann,
Der mit der Wahrheit ſprechen kan,
Daß ihm ſein Heyrath nicht gerauen,
Und fürcht ſich nicht für ſeiner Fraun;
Der mag dieſen Backen herunter hauen.

Hi verſus denotant, cuilibet, qui cum veritate, quod ſit dominus in ſua domo, nec uxorem timeat, profiteri poſſet, hanc ſuccidiam detrahendi permiſſum eſſe. Sed interim hoc lardum jam per plures, quam centum, annos intactum relictum fuit, quo ſeculi ſpatio nemo conatus fuit, illud ſibi attribueri, niſi quod aliquando quidam tradiderit, ſe eſſe abſolutiſſimum in ſua domo dominum, & ob hanc rem ſuccidiam affectaverit. Venia lubenter data, ſcalaque apportata, ut aſcenderet & ad ſummum, quo ſuccidiam petere poſſet, veniret; verum ſe excuſavit & petiit, ut alius pro eo ſcalam conſcenderet & iſtam deſcenderet, ſi ipſe in perſona hoc præſtaret, facile veſtes ſuas mundas & honeſtas maculis conſpurcavit fordidis, ob quas facile uxor ſua iſtum acriter allatrare & verbis vehementioribus proſequi poſſet. Adſtantes, hoc in audito, dominum abſolutum, non abſque vexatione, abire juſſerunt, nam ex hoc explore cognofcebant, iſtum in ſua re familiari minime dominum & imperium habere. Alii perhibent, hanc ſuccidiam, quo tempore obſidionis incolæ in hoſtes, qui deſectum ciuorum & omnium rerum in urbe eſſe iudicant, integri larda ſuper moenia, in ſignum copiarum ſufficientis & ſuperfluarum alimentorum, projeciſſent, in memoriam poſitam eſſe.

Eſſe præcipua locorum ſigna, quantum potui, breuiter & concinne demonſtravi. Singula & omnia, dubio procul, ſuum in carie antiquitatis habent fundamentum, ſed in præſenti obſcurum; & nullo modo credimus, ſine ulla ratione, a majorum progenitoribus antiquitus poſita. Plura indubitato veram hiftoriam ſuetam, actam i. geſtam, ſed literis, rudi & illiteratiſſimo ſeculo, non conſignatam, hinc oblivioni traditam, indicant. Judæorum ſtatuarum, de quibus nullus dubium movet, illorum in opprobrium erectarum. Monachi & moniales, cum multis in locis in lapidem &

& lignum incisi observentur, historias ab his in monasteriorum cellis non satis prudenter, nec satis recte actas, nam sic me conjectura fallibilis ducit, docent & innuunt. Diabolus detestandus sæpius occurrens, in horrorem, ut istum peccatores cane pejus & angue non negligenter reformidarent, præseis temporibus ferisque ab annis præsumptive hinc inde considerandus positus fuit. Reliquum vale. Deus Te, *Vir incomparabilis*, in literarum optimarum emolumentum, diutissime, salve & valide, servet. Dabam Wolfenb. d. i. Mart.

1737.



89 84 3517

